

A Videmus hinc, quàm non deferat suos Deus in maximis periculis constitutos. Rursus, quàm sancti in periculis ita fiduciam habeant in Dominum, vt interea nihil negligant, quod ad liberationem facere queat.

SUMMA PSALMI.

Celebratur hoc Psalmo bonitas Dei erga se colentes, innocuos & omnē in se fiduciam collocantes: quos ita pradicatur sua bonitate complecti, vt inuocantes se in necessitatibus constitutos exaudiat, propè sit, liberet ac tueatur. Rursus ita iustus iudex erga reprobos & impios, vt etiam memoriam eorum excindat, & prorsus desolatos reddat. Celebrantur autem ista ad hoc, vt excitentur mentes mortalium ad laudem & cultum Dei, deinde & ad studium innocentie.

Diuisio Psalmi.

Est autem hic Psalmus omnino planus, vt nihil difficultatis sit in legendo & intelligendo: vnde non est necesse vt multis exponatur. Tria agit Vates.

1. Principio, versibus 1. 2. 3. & se & alios ad laudandum & extollendum Deum excitat.
2. Deinde versibus 4. 5. 6. 7. causam reddit, vnde isto sit affectu ad laudandum Deum motus.
3. Tertio, vsq; ad finem Psalmi hortatur ad fiduciam & cultum Dei: simulq; admonet, vt innocentia & timori Dei opera detur: adiectis argumentis, partim ex bonitate Dei erga suos, partim ex illius iusto iudicio & seueritate erga impios sumptis.

B **B**ENEDICAM Dominum in omni tempore, semper laus eius in ore meo. VERS. I.

2. **B**In Domino letatur anima mea: audiant afflicti, & letentur.

3. **B**Magnificate Dominum mecum, & exaltemus nomen eius simul.

*In Domino letatur anima mea.] Ebr. בְּיְהוָה נִשְׁמְחָה. Græc. & vulg. Lat. Laudabitur anima mea. Sic & Iustin. & Felix & Hieron. & Chald. Pagn. In Domino laudabit se anima mea. Fe-
linus & Tigur. Glorabitur anima mea. Camp. In laudando Domino occupata erit anima mea.* LECTIO. Vers. 2.

Duo sunt his tribus versibus notanda. Vnum quanta gratitudine ardeant pij, auxilium Dei expectant, ad laudandum Deum: cum interea impij, qui & ipsi multis & magnis beneficijs Dei potiuntur, sint prorsus ad laudem Dei stupidi, ac plus quàm irracionales bestia muti. Propheta nō solum in presentiarum os suum ad laudem Dei aperit sed pollicetur hoc se perpetuò & indefinenter facturum: idque non ore solum, sed simul & mente & ore. Væ nostræ stupiditati.

B Alterum est, quòd hinc videmus, quis sit affectus Prophetæ erga reliquos afflictos & pios, què non obscure prodit in eo quòd dicit: *Audient afflicti, & letabuntur. Magnificate Dominum mecum, & exaltemus nomen eius simul.* Iucundissimus est iste mutuus in laudem Dei piorum affectus congratulandi, videlicet si quis afflictus à Domino fuerit liberatus: & simul magnificandi diuinam clementiam. Quid aliud hinc pradicatur in mutuo isto piorum affectu: quàm vera erga Deum & proximum dilectio? Expendamus quæso, quales nos hinc simus.

4. **B**Exquisiui Dominum, & respondit mihi, & ex omni angustia mea eripuit me.

5. **B**Aspiciant ad illum, & properent, & facies ipsorum non pudefient.

6. **B**Iste pauper clamauit, & Dominus exaudiuit, & ex omnibus tribulationibus eius seruauit eum.

7. **B**Castametatur angelus Domini in circuitu timentium eum.

Aspiciant ad illum.] Sic habent Ebræa. Græcus tamen & vulg. Lat. in secunda persona legant: Accedite ad eum, & illuminamini, & facies vestrae non confundentur. Hieron. sic: Respice ad eum, & confluite, & vultus vestri non confundentur. Iustin. Respice ad eum, & illuminamini. Felix: Respexerunt ad ipsum, & cucurrerunt, & vultus eorum non confundentur. Pagn. Aspexerunt ad eum, & illuminati sunt, & facies eorum non sunt pudore affectæ. Tigurin. Respicient ad illum, & confluent. Camp. Conuertant ergo se ad illum properè. LECTIO. Vers. 3.

Castametatur angelus Domini.] Ebr. מַחֲבֵרֵי. Græc. παρρησια. Vulg. Lat. Immutet. Hieron. Circundat. Iustinian. Firmat. Felix: Moratur. Vers. 7.

Quia tribus primis versibus dixit se laudaturum Dominum perpetuò, & simul ad illius laudem & alios adhortatus est: consequenter subiicit, qua id causa faciat. Est autem causa quam reddidit, hæc, quòd exauditus & liberatus sit à Domino, cum in tribulatione ad illum clamaret. Vnde colligit, ita benignum esse Dominum, vt non deferat clamantes ad se, hæc causa illi digna videtur, propter quam nequeat vnquam satis laudare Dominum, & cuius gratia sit ab omnibus mortalibus extollendus.

Exquisiuit Dominum, & respondit mihi.] Quomodo & vbi quæsiuit Dominum, cum esset extra eam terram proiectus, in qua erat locus quærendi Dominum, & constitutus esset in aula regis impij? Ergo vbique potest inuocari & quæri Dominus: qui cordis affectu quæritur ab afflictijs vbiuis constitutis. OBS. I. Vers. 4.

Et properent.] Non sine emphasi dictum est. Quasi dicat: Frustrà tentabunt omnia, frustrà quærent alibi: proinde mox ad Dominum aspiciant, & properent, nisi perire velint. Nos verò ita comparati sumus, vt non priuò ad Dominum, sed tum demum, idque cunctanter, aspiciamus, cum desperata videntur omnia. OBS. I. Vers. 5.